

suetas aquis volucres patitur. Incertae undae superjacta, ut solido, ferunt: periti imperitique nandi perinde attolluntur. Certo anni bitumen egerit: cuius legendi usum, ut ceteras artes, experientia docuit. Ater suapte natura liquor, et sparsio aceto concretus, innatat: hunc manu captum, quibus ea cura, in summa navis trahunt. Inde, nullo juvante, influit, oneratque, donec abscindas; nec abscindere aere ferrove possis: fugit cruentum, vestemque infectam sanguine, quo seminae per menses exsolvuntur. Sic veteres auctores. Sed gnari locorum tradunt, undantes bitumine moles pelli, manuque trahi ad litus: mox, ubi vapore terrae, vi solis, inaruerint, securibus cuneisque, ut trabes aut saxa, discindi.

VII. Haud procul inde campi, quos ferunt olim uberes, magnisque urbibus habitatos, fulminum jactu arsisse: et manete vestigia, terramque ipsam specie torridam, vim frugiferam perdidisse. Nam cuncta sponte edita, aut manu sata, sive herbae tenues aut flores, ut solitam in speciem adolevere, atra et inania velut in cinerem vanescunt. Ego, sicut inclitas quondam urbes igne coelessi flagrasse concesserim, ita halitu lacus infici terram, corrumpi superfusum spiritum, eoque foetus segetum et autumni putrescere reor, solo coeloque juxta gravi. Et Belus amnis, Judaico mari illabitur: circa cuius os collectae arenae, admixto nitro, in vitrum excoquuntur, modicum id litus, et egerentibus inexhaustum.

VIII. Magna pars Judaeae vicis dispergitur: habent et oppida. Hierosolyma genti caput. Illic immensae opulentiae templum, et primis munimentis urbs, dein regia: templum intimis clausum: ad fores tantum Judaeo aditus: limine, praeter sacerdotes, arcebantur. Dum Assyrios penes Medosque et Persas Oriens fuit, despiciissima pars servientium: postquam Macedones praepotuere, rex Antiochus demere superstitionem, et mores Graecorum dare adnixus, quo minus tetrostam gentem in melius mutaret, Parthorum bello prohibitus est: (nam